

Bosna i Hercegovina
Federacija Bosne i Hercegovine
Tuzlanski kanton
Grad Tuzla



**Služba za ekonomski razvoj,
poduzetništvo i poljoprivredu**

Broj: 04-11-A-12108/2021
Tuzla, 20.08.2021. godine

PREDMET: Program raspodjele sredstava tekućeg granta za podršku projekata iz oblasti poduzetništva, za 2021. godinu;

U Budžetu Grada Tuzla za 2021. godinu, na poziciji Tekućeg granta za podršku projekata iz oblasti poduzetništva, planirana su sredstva u iznosu od 30.000,00 KM.

Članom 21. Odluke o izvršavanju Budžeta Grada Tuzla za 2021. godinu („Službeni glasnik Grada Tuzla“, broj: 3/21) utvrđeno je da se sredstva na navedenoj poziciji raspoređuju na osnovu programa raspodjele sredstava, donesenih od Pomoćnik gradonačelnika za Službu za ekonomski razvoj, poduzetništvo i poljoprivredu, u skladu sa kriterijima, u ovom slučaju, utvrđenim važećom Odlukom o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji („Službeni glasnik Grada Tuzla“, broj: 1/19, 7/20 i 5/21), (u daljem tekstu: Odluka).

Odlukom su određeni uslovi, način i kriteriji raspoređivanja sredstava Budžeta Grada Tuzla koja se dodjeljuju za podršku projekata neprofitnih organizacija (udruženja i fondacija), koji se kandiduju putem javnog poziva, kako su u Budžetu Grada Tuzle za 2021. godinu namjenski planirana i pozicionirana sredstva Tekućeg granta za podršku projekata iz oblasti poduzetništva.

Na osnovu člana 4. Odluke donesen je Program utroška sredstava iz Budžeta Grada Tuzla za podršku projekata neprofitnih organizacija putem javnog poziva, sa pozicije-Tekući grant za finansiranje projekata iz oblasti poduzetništva – ekonomski kod 614311/49, za 2021. godinu, broj: 04/11-A-013966-2021, od 14.06.2021. godine, kojim su, između ostalog, određeni opći ciljevi projekata, fokus projekata, te projektne aktivnosti koje će se moći realizovati iz navedenih sredstava, odnosno prihvatljive projektne aktivnosti predložene u prjektima kojima će aplicirati potencijalni učesnici u javnom pozivu, zatim je utvrđen minimalni i maksimalni iznos podrške za pojedinačne projekte i druga pitanja u vezi sa načinom utroška navedenih namjenskih sredstava.

Prema gornjem Programu, opći ciljevi kandidovanih projekata su utvrđeni u sljedećem pravcu: jačanje partnerstva između neprofitnih organizacija i Grada Tuzle, odnosno izgradnja svijesti o koristi i efektima međusobne saradnje u funkciji unapređenja i razvoja poduzetništva, kroz direktnu i indirektnu podršku krajnjih korisnika iz ciljnih grupa kandidovanih projekata.

Putem javnog poziva, koji je bio otvoren od 28.06.2021 do 19.07.2021. godine, i objavljen na službenoj internet stranici Grada Tuzle, a obavještenje o objavljenom javnom pozivu je preuzeto od lokalnih elektronskih medija, zaprimljeno je ukupno 12 projekata, koji su u propisanom postupku i primjenom utvrđenih kriterija i podkriterija, pregledani i adekvatno ocijenjeni od strane komisije imenovane rješenjem Pomoćnika gradonačelnika za Službu za ekonomski razvoj, poduzetništvo i poljoprivredu.

Radi se o projektima koje su kandidovali: Udruženje „Humanitarna organizacija Bosanske rukotvorine“ Tuzla, pod nazivom „Priroda, tradicija i poduzetništvo za pravilnu njegu“, „Udruženje građana oboljelih od distrofije TK“ Tuzla, pod nazivom „Nije lako, ali znam kako“, Udruženje „Centar za edukaciju i obrazovanje“ Tuzla, projekat od nazivom „Razvoj kapaciteta mladih poduzetnika/ca u Tuzli“, Udruženje građana oštećenog vida Tuzla, za projekat pod nazivom „Sljepoća ne treba biti prepreka za bavljenje poduzetništvom“, Udruženje građana „Eventus“ Tuzla, projekat pod nazivom „Tuzla grad filmske kulture“, Udruženje obrtnika grada Tuzle, projekat pod nazivom „Primjena digitalnih usluga u poslovanju obrtnika“, Udruženje „Golf klub Tuzla“ Tuzla, projekat pod nazivom „Golf turizam – Tuzla savremena turistička golf destinacija“, Udruženje građana „TISA“ Tuzla“, projekat pod nazivom „Kućne radinosti – nove radosti“, Udruženje „Centar za socijalne inovacije“ Tuzla, projekat pod nazivom „Razvoj liderskih i socijalno poduzetničkih inicijativa mladih“, NVO „Radio Kameleon-Otvorena mreža ljudskih prava i demokratije“ Tuzla, projekat pod

nazivom „BH sedmica inženjerstva 2021“, Udruženje „Centar za promociju cjeloživotnog učenja Erazmo“ Tuzla, projekat pod nazivom „Poduzetni(ca) za 21. vijek“ i „Udruženje građana Magic factory-Tvornica magije“ Tuzla, projekat pod nazivom „Deseti Tuzla film festival“.

Komisija za ocjenu i vrednovanje kandidovanih projekata, primjenjujući utvrđene kriterije ocijenila je da svi naprijed navedeni projekti, osim projekta „Deseti Tuzla film festival“, kojeg je kandidovalo „Udruženje građana Magic factory-Tvornica magije“ Tuzla, ispunjavaju uslove i kriterije iz Programa utroška sredstava iz Budžeta Grada Tuzla za podršku projekata neprofitnih organizacija putem javnog poziva, sa pozicije-Tekući grant za finansiranje projekata iz oblasti poduzetništva – ekonomski kod 614311/49, za 2021. godinu, broj:04/11-A-013966-2021, od 14.06.2021. godine, te da su kandidovani projekti fokusirani na ostvarivanje ciljeva u prioritetnoj oblasti-poduzetništvo, definisanih istim Programom.

Pri tome, projekat „Deseti Tuzla film festival“, kojeg je kandidovalo „Udruženje građana Magic factory-Tvornica magije“ Tuzla, ocijenjen je nerelevantnim za prioritetnu oblast-poduzetništvo, budući da su misija, vizija i ciljevi navedenog projekta, kako je komisijski ocijenjeno, fokusirani na oblast kulture i segment socijalnog i društvenog razvoja, a ne na prioritetnu oblast poduzetništva, na koju se odnose namjenska budžetska sredstva iz ovog Programa, te je shodno navedenom, isključen iz daljeg procesa evaluacije.

Nakon što su adekvatno vrednovani naprijed navedeni projekti udruženja, za koje je ocijenjeno da su kvalifikovani za podršku iz sredstava Tekućeg granta za finansiranje projekata iz oblasti poduzetništva, te bodovanjem istih prema kriterijima utvrđenim LOD metodologijom, na osnovu prijedloga nadležne komisije, koji je prihvaćen u cijelosti, sačinjen je ovaj Program raspodjele sredstava tekućeg granta za finansiranje projekata iz oblasti poduzetništva, za 2021. godinu (u daljem tekstu: Program), koji je prikazan u sljedećem tabelarnom pregledu:

Program raspodjele sredstava tekućeg granta za finansiranje projekata iz oblasti poduzetništva, za 2021. godinu

Redni broj	Nosilac realizacije projekta/ naziv udruženja organizacije	Naziv projekta	Iznos dodijeljenih sredstava za podršku projekta (u KM)
1.	Udruženje „Humanitarna organizacija Bosanske rukotvorine“ Tuzla	Priroda, tradicija i poduzetništvo za pravilnu njegu	2.000,00
2.	Udruženje građana oboljelih od distrofije TK	Nije lako, ali znam kako	2.000,00
3.	„Centar za edukaciju i obrazovanje“ Tuzla	Razvoj kapaciteta mladih poduzetnika/ca u Tuzli	3.000,00
4.	UG oštećenog vida Tuzla	Sljepoća ne treba biti prepreka za bavljenje poduzetništvom	2.000,00
5.	UG „EVENTUS“ Tuzla	Tuzla Grad filmske kulture	3.500,00
6.	Udruženje obrtnika Grada Tuzla	Primjena digitalnih usluga u poslovanju obrtnika	6.500,00
7.	Udruženje „Golf klub Tuzla“ Tuzla	Golf turizam – Tuzla savremena turistička golf destinacija	2.000,00
8.	UG “TISA” Tuzla	Kućne radinosti – nove radosti	2.000,00
9.	Centar za socijalne inovacije Tuzla	Razvoj liderskih i socijalno poduzetničkih inicijativa mladih	2.000,00
10.	NVO „Radio Kameleon Otvorena Mreža Ljudskih prava i demokratije“ Tuzla	BH sedmica inženjerstva 2021	3.000,00
11.	UCZPCU Erazmo Tuzla	Poduzetni(ca) za 21. vijek	2.000,00
	UKUPNO RASPOREĐENA SREDSTVA:		30.000,00

Ovim Programom će se pružiti širok spektar podrške velikom broju krajnjih korisnika podržanih projekata, koji pripadaju ciljnim skupinama nezaposlenih mladih osoba, osoba sa invaliditetom, nezaposlenih žena, dakle korisnika koji pripadaju segmentu socijalnog poduzetništva, te krajnjim korisnicima u segmentu malih biznisa i poduzetničkih i obrtničkih firmi, s ciljem razvoja svijesti o poduzetništvu i promocije poduzetništva, kao i razvoja turizma i promocije turističkih potencijala na području grada Tuzle, a u partnerstvu i sinergijskim djelovanjem Grada Tuzle sa organizacijama-udruženjima građana.

Završne odredbe:

Ovim Programom, za prihvaćene projekte, koje će realizovati: Udruženje „Humanitarna organizacija Bosanske ruktvorine“ Tuzla, „Udruženje građana oboljelih od distrofije“ Tuzla, Udruženje „Centar za edukaciju i obrazovanje“ Tuzla, Udruženje građana oštećenog vida, Udruženje građana „Eventus“ Tuzla, Udruženje obrtnika grada Tuzle, Udruženje „Golf klub Tuzla“ Tuzla, Udruženje građana „TISA“ Tuzla, Udruženje „Centar za socijalne inovacije“ Tuzla, NVO „Radio Kameleon-Otvorena mreža ljudskih prava i demokratije“ Tuzla i Udruženje „Centar za promociju cjeloživotnog učenja Erazmo“ Tuzla, u skladu sa razmotrenim i prihvaćenim budžetima svakog projekta, raspoređuju se sredstva u Budžetu Grada Tuzla za 2021. godinu, na poziciji Tekući grant za finansiranje projekata iz oblasti poduzetništva – ekonomski kod 614311/49, u planiranom iznosu od 30.000,00 KM.

Krajnji rok za realizaciju ovog Programa odnosno implementaciju planiranih aktivnosti podržanih projekata je 31.12.2021. godine.

Sredstva raspoređena ovim Programom bit će doznačena odabranim implementatorima, odnosno navedenim organizacijama-udruženjima, koji će realizovati prihvaćene projektne aktivnosti.

Sa implementatorima projekata koji su predmet ovog Programa, zaključit će se ugovor o regulisanju međusobnih odnosa u vezi realizacije sredstava raspoređenih ovim Programom, uz obavezu korisnika da Službi za ekonomski razvoj, poduzetništvo i poljoprivredu dostave narativni i finansijski izvještaj sa pratećom dokumentacijom kojom se dokazuje namjenski utrošak odobrenih i doznačenih sredstava.

Nakon realizacije ovog Programa Služba za ekonomski razvoj, poduzetništvo i poljoprivredu će pripremiti i prezentirati Gradonačelniku i Gradskom vijeću Tuzla informaciju o realizaciji i utrošku raspoređenih programskih sredstava.

**Pomoćnik gradonačelnika
za Službu za ekonomski razvoj, poduzetništvo i poljoprivredu**

Dr. sc. Zijad Lugavić, dipl.oec.